



Borio se na strani ISIL-a

Safet Brkić osuđen na tri godine zatvora

Sud BiH smatra da će ova kazna utjecati na Brkića, ali i na druge osobe da ne vrše krivična djela odlazeći u Siriju, kazao je Šeleda

Sud BiH jučer je osudio Safeta Brkića na tri godine zatvora zbog organiziranja i pružanja pomoći terorističkoj grupi. Prema optužnici, Brkić je sredinom maja 2013. godine otputovao u Istanbul, odakle je ilegalno prešao granicu između Turske i Sirije te ušao u Siriju u grad Haritan, gdje je ilegalno boravio do 5. marta 2014. godine. U Haritan je došao s namjerom da se bori na strani Islamske države (ISIL), a koja se nalazi na listi terorističkih grupa i organizacija Vijeća sigurnosti UN-a.

Predsjedavajući sudija Nenad Šeleda tokom izricanja presude rekao je da je Vijeće povjerovalo iskazima svjedoka Državnog



Uhapšen u akciji "Damask" tužilaštva koji su kazali da su Brkića vidjeli u Siriji.

Šeleda je rekao da je Brkiću izrečena minimalna kazna od tri godine zatvora, nakon što je Vijeće kao olakšavajuće okolnosti cijevalo da je optuženi mlad i ne-

zaposlen čovjek, koji se korrektno držao tokom suđenja i koji se dobrovoljno vratio iz Sirije. Činjenicu da je Brkić ranije osuđivan Sud je uzeo kao otežavajuća okolnost.

- Sud BiH smatra da će ova kazna utjecati na Brkića, ali i na druge osobe da ne vrše krivična djela odlazeći u Siriju - kazao je sudija Šeleda.

Na ovu presudu postoji mogućnost žalbe, a izricanju nisu prisustvovali ni Brkić ni njegov advokat Kerim Čelik, kojem je, prema informacijama kojima raspolaze sudija, umrla majka.

Brkić je uhapšen u septembru 2014. u policijskoj akciji "Damask" zajedno s još nekoliko osoba, među kojima je bio i Bilal Bosnić. **E.Ma.**